



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**05 Novembru 2020**

**Timor Leste Komemora Loron Nasional Feto: Promove Feto iha nivel foti desizaun hodi lidera ba mudansa inklusivu**

Iha 03 Novembru kada tinan, selebra nu'udar Loron Nasional ba Feto Timor Leste. Loron ne'e, nu'udar loron importante ba comunidade feto iha Timor Leste tanba hatu'ur loron ida ne'e hanesan Loron Nasional. Kompromisu ida ne'e, hatudu katak Estadu Timor Leste, rekoñese importansia husi kontribuisaun, papél no partisipasaun feto iha kontestu konstrusaun no dezenvolvimentu nasional. Tema ba loron Feto nasional tinan ida ne'e mak **"Promove Feto iha nivel foti desizaun hodi lidera ba mudansa inklusivu"**

"JSMP kongratula komitmentu governu nian hodi continua promove feto sira liuhusi envolve feto sira iha nivel foti desizaun. Maski nune'e, iha parte seluk feto no labarik feto sira continua vulneravel iha sira nia vida moris tanba ne'e apoiu husi governu no parte hotu-hotu importante tebes hodi hakonu feto no labarik feto sira nia direitu nune'e sira bele kontribui di'ak liutan ba nasaun," dehan Diretora Ezekutiva JSMP, Sra. Ana Paula Marçal.

Situasaun real iha Timor Leste hatudu katak comunidade feto sira, iha área rurais, sei nafatin hasoru dezafiu oi-oin atu defende sira nia direitu konstitusional, tanba influensia husi prátika kostume lokal ne'ebé mak dala barak diskrimina, ignora no prejudika sira nia direitu, mezmu Konstitusaun RDTL, la fó fatin ba prátika diskriminativu hirak ne'e, liuliu aseguara feto nia partisipasaun iha kualkér vida nasaun nian no aseguara katak feto sira livre husi kualkér forma violensia hasoru feto.

Aleinde kestaun hirak ne'e, JSMP continua preokupa ho aktu krime sira ne'ebé sei continua aas hasoru feto maluk sira no husu atu feto sira presiza moris livre husi kualkér forma violénsia, tanba ne'e komemorasau ba tinan ida ne'e hafanu ita hodi bele hanoin hikis sofrimentu ne'ebé mak feto sira infrenta, maioria feto Timor-Leste continua vulnerável iha aspeitu oi-oin. Sira sofre ba violénsia doméstika, violénsia seksuál, diskriminasaun, abandona forma violénsia ho karakter jéneru sira seluk.

Tuir JSMP nia monitorizasaun iha tribunál distritál hotu hatudu katak husi fulan Janeiru to'ó Outubru 2020, kazu violénsia doméstika hamutuk 340 kazu violasaun seksuál hamutuk 53 no kazu inestu hamutuk 5, maioria kazu sira ne'ebé rejista no julga iha tribunál sei continua domina husi kazu ne'ebé asosiadu ho forma violénsia bázeia ba jéneru, ne'ebé maioria envolve feto no labarik feto hanesan vítima. Krime hirak ne'e inklui violénsia doméstika, violasaun

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

seksuál no abuzu seksuál hasoru menór feto ho natureza incestu, abandona no natureza krime sira seluk ne'ebé bele fó impaktu ba dezvoltimentu nasional no fó todan/pezu ba responsabilidade nasaun iha futuru.

JSMP hein katak liuhusi selebrasaun Loron Nasionál Feto Timor Leste ne'e, fó biban ba komponente sosiedade Timór Leeste tomak hanoin no refilete saida mak presiza hametin diak liutan iha futuru atu aseguira katak feto no mane hamutuk serbisu ba dezvoltimentu nasional.

Atu hetan informasaun kompletu, favór kontaktu:

Ana Paula Marçal

Diretora Ezekutiva JSMP

Email: [ana@jsmp.tl](mailto:ana@jsmp.tl)

Telefóne: 3323883 | 77040735

Website: <http://jsmp.tl>

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

Facebook: [www.facebook.com/timorleste.jsmp](http://www.facebook.com/timorleste.jsmp)